

陳氏宗譜

閩字號

連邑隔川九經公譜序

天地有大德而萬物生焉聖人有明德而天下平焉祖宗有餘德而百世昌焉德者近之在語默動靜之際愈平淡愈尋常也推之在古今上下之間彌恢宏彌悠久也前之德遺乎後後之德繼乎前

雍

所以德盛者化自神我文川隔水開基
祖九經公原名九穹乃

公十三世孫 裕安公之九子也時宋

紹興間 裕安公授寧邑教諭 公省

父寧陽緣寧連接壤觀風問俗遂都隔
川 公識見精明知其所止矣迨三世

誥贈

長孫顯掇巍魁知蘇州府事

中憲大夫自此披荆斬棘擴土開疆轉
瞬間居處者連雲比屋出入者轂擊肩
摩旋而拖青杼紫更僕難數曾幾何時
而蕃昌竟若此乎論者謂非德不足以
及此抑或帝舜之大德必得所流乎又

或太邱長之聚德星明所致乎究之先
德所遺 公實能承之不然何以有堂
構相承不再傳而忽形寥落閉閤大啟
經再過而已屬荒墟知此即知 公之
德非偶然已然而生齒雖繁本源有自
識微者未嘗不徘徊審慎為之俯仰於

雍

其間客秋適乘貢川

公祠重修譜牒

復祥

奮然而起邀集

桂

祥等曰古人以守墳墓奉祭祀明譜牒

三者為兢兢我輩幸食舊德其敢漠不
關心乎於是遍傳衆裔逐房稽考歲經
寒暑世系方清間有派分遙遠代傳式

微者仍闕而待之茲因考公之系益

信公德之無窮矣故曰日暄雨潤者

天之德也修齊治平者聖之德也瓜綿

衍者祖之德也煌自慚不肖敬誌芻

言以待後之有志繼述者咸接踵於靡

盡焉

光緒戊子十四年夏月嗣孫

繼煌薰沐敬撰
潤之盥手敬書

分理嗣孫

椿元 承先 煥文 汝玉 夢麟 鏡蓉 桂祥 復祥

萬豐 允祥 承霖 宗堃 步登 宗靈

紹祥 開宇 文灝 殿元 國璋 吉纓

家督 應宇 祖生 禧悅 紹修 向榮

隔川形勝紀

九經公十九代孫先翥識

連邑城北十里許曰隔川者我 始祖九經公開基

聚族之區也自縣西虎忙嶺發龍由長坑逶迤而下
至牛尾岙過青巖賴屋田樟樹隔之左突起迢遞而
至大山之巔

卽志所載大嶺山

始排峰層矗分脉而下或

大小捏之相連而鐘頂聳起爲積德堂之來龍或狗
峙寨之特出而綿連瑤前爲廣平之發跡或由嶺背
洋之隴畝隱隱隆隆而村落之大局隔川之廣袤輻
輳而居者以此左則環自凹前塘嶺而分界黃蘭山
者有黃蘭之脉又左而層疊至烏石隘門中通孔道

伏而又起遞而至於馬坑聯而至於涼傘樹下轉而
至於隔川新墟又轉而至於錦錢朱坊由此接而環
拱者則有茅屋寨與定光嶺之勝營山大坪頭山來
龍之奇又疊轉而至油樟山之廻抱此外猶有神仙
寨轉輪坑等山旋繞而接迎恩橋卽新庵橋右峙則莒
蒲庵三山之后枕其旁之雙龍疊脈者一由黃泥崗
之起長短相接伏起相聯而發竹林山始祖祠之基
一由黃泥坑之右之巔高低其崗斷續其勢爲山亨
塋仙居之地此在右之大山埧與隔口田挖子橋之
所分地而然者也山亨塋之內轉而至於下崗坪之

通衢外而由張屋址之前山綿亘而至於新庵之地
爲二水合流之勝也二水者何曰北自茶亭分水合
流深窰由青山廟會西北諸水滌洄而達營山曲折
而來過挖子橋達蒲竹洋西轉而至店背陂南流而
穿新庵前而會之此二水之合流於迎恩橋而達縣
之定坊橋北流清流轉東而至於海問其孔道則自
茶亭烏石隘門而過黃蘭由西南而之車前凹抵大
山垠而通朋口遂至於粵東由正南而履道坦坦者
過義勇祠直入隆興市而出觀音閣過陳祠由老墟
抵迎恩橋而通縣治此北通清流甯化二邑南抵北

鑰之達道也若夫縱橫之小徑來往之僻道不關要衝闕而弗詳與夫冠薦山天馬山之羣勝列其前滴水巖石門潭之古蹟界其旁者備載邑乘亦何庸贅

隔川住址土名

裏學堂背 外學堂背 廖田 坡塘塏 填塘

外屋坪 營山 大井頭 朗鋪下 大圳頭

大上園 上園 官路上 觀音閣 屋背山

樟樹下 以上俱屬長房居址

柑園坪 墩子上 下黃蘭 下井 以上俱二房居址

上屋 下屋 東山外屋 卽權花巷 積德堂 卽七迭堂

箭子上 樓下 竹林山 井頭屋 對門以上俱三

房居址

異姓居址土名

上黃蘭 黃蘭 店背塘 大黃屋 細黃屋

新屋 老王屋 王屋 羅屋 羅屋坪

徐屋 朱坊 安屋 大坪頭 山亨塋羅仙公

故居之所地像仙人跨鶴形

塋檢下 張屋

街市

隆興市 仙宮背 社學前即仙宮前 下市曹即福興市

觀音閣 三層碓

神廟

上頭庵

即龍龜庵

車前凹

即石固廟宋文丞相過此登車因以名焉

三聖宮

仙人亭

菖蒲庵

今廢

茶亭

義勇祠明季寇

鄧茂七溫文俊劫掠城鄉陳璣公等三十二人禦寇殉難奉

旨建祠春秋

顏祀事詳縣誌

仙宮

青山廟

觀音閣

泗洲堂

地在

陳祠右畔今廢

高勝殿

大坪頭庵

天后宮

廣福堂

即新庵前有輦橋右有梁橋

山寨

鐘鼎寨

前人避寇之處週圍有垣前後二門中祀關帝容千餘人基址垣墻

尙在神仙寨羅仙飛昇於此故名一名羅寶寨

狗峙寨

茅屋寨

諸寨惟鐘鼎寨爲扼要自元至正中紅巾賊及明季
寇鄧茂七溫文俊葉芳楊廷蘭並廣賊羅袍饒賊諸
寇疊次掠村落陷城池卽順治間山賊由隔口田直
入隔川焚掠族人登避焉而本鄉異姓亦推同井相
扶之義共登避焉故寨內基址頗多蓋寨在大嶺之
麓卽大山嶺志載大嶺山屬陳氏業故也

